

prima iuxta Imperatorum diuisionem sermonem esse dicto in loco Concilij Chalcedonensis, satis ex hoc intelligitur, quod in ea ponantur Topiris, Deris seu Serres, Cassandria & Berrhœa, quarum plures Theffalonicæ subiectæ manserunt, vna verò Philippis, scilicet Topiris. Vnde prorsus dicendum est nondum diuisionem Ecclesiasticam in primam & secundam factam fuisse, vnicamque per illa tempora veram Metropolim Ecclesiasticam Macedoniæ, nempe Theffalonicam.

Larissa, Liuius^a teste, nobilis vrbs & Theffaliæ caput est, ad Peneum fluiuium, ait Procopius^b, sita, & à Larissa Pelasgi filia, vt scribit Pausanias^c, condita, eiusque nomine appellata. Hanc non longè à Pharsalicis campis sitam esse ex hoc arbitror, quod Cneus Pompeius post acerbam ibi cladem acceptam sub lucem in eam venerit, cum sub vesperam castris excessisset. Vnde Lucanus libro octauo ait.

*Vidit prima tua testis Larissa ruina
Nobile, nec victum satis, caput.*

Huic vero Metropolitana iura ab Ecclesia concessa fuisse primo probatur ex Catalogo Metropolitanorum, ad quos scripsit Leo Imperator post Concilium Chalcedonense, è quorum numero fuit Vigilantius Episcopus Larissæ. Nec minus id clarè testatur epistola Diui Gregorij^d ad Ioannem Larissenum, qua, propter iniquam ab eo sententiam aduersus Adrianum Thebanum latam, hunc ita exauكتورat, vt Adrianum ab omni eius iurisdictione eximat, eique scribat, quod si limites præscriptos transierit, sacra communione ad extremum vsque spiritum Apostolica autoritate priuabitur: idque, licet à Ioanne primæ Iustinianæ Primæ confirmata fuisset Ioannis Larisseni sententia. Quid enim clarius, cum ad Metropolitam tantum spectet de Episcoporum causis iudicare, sicut & ad Primates sententias à Metropolitanis datas examinare? Fuit quidem alia Larissa sub Ossa monte, quam Pelasgiam à quibusdam vocari Stephanus^e ait, sed diuersa ab ea quæ caput & Metropolis Theffaliæ dicta est.

Nicopolis Epiri Ciuitas Actiaca dicta apud Iornandem, in qua inquit Editio quæ sexta dicitur diuinarum scripturarum, in dolio reperta est. Eam Cæsar construxit, & circa eam Antonius à Cæsare Augusto prælio nauali superatus est. Hodie Cassiodoro^g teste in Chronico *Pranesa* vocatur. Quod autem Metropolis Ecclesiastica fuerit ipsi testantur Episcopi veteris Epiri in Epistola Synodica, qua cōfirmatione Ioannis huius Ciuitatis Antistitis ab Hormisdæ postulant his verbis: [Christus consolatus est nos per vestras orationes, demonstrans Metropolitanæ Ciuitati sanctissimum Ioannem, &c.] Sed & Atticus Episcopus Nicopolis Metropolis Epiri veteris vocatur actione prima Concilij Chalcedonensis.

Dyrrachium Epiri vrbs apud Florum^h situ inexpugnabilis, eadem est Liuiusⁱ ac Epidānus; Appiano tamen diuersæ Ciuitates sunt, isque Dyrrachium ad litus maris constituit, Epidamnum verò ab eo aliquantulum distare scribit: hodie *Durasso* dicitur. Metropolim verò fuisse Ecclesiasticam legitur in ipso limine Concilij Chalcedonensis, quo Lucas Dyrrachij Metropolis nouæ Epiri Episcopus dicitur. Eucarius etiam eiusdem Ciuitatis Antistes Concilio Ephesino subscripsit.

Corinthum inter nobilissimas Græciæ vrbes numeratam nemo ambigit,

XVI.
LARISSA METROPOLIS THESSALICÆ.
a Liuius dec. 4. l. 6.
b Procop. lib. 4. de edific. Iustinian.
c Pausanias lib. 2.

d D. Greg. Mag. l. 2. indict. 11. epist. 7.

e Steph. de Urbibus.

XVII.
NICOPOLIS VETERIS EPIRI METROPOLIS.
f Iornand. tit. 1. de regn. ac tēp. success. g Cassiod. in Chronico.

XVIII.
DYRRACHIVM NOVÆ EPIRI METROPOLIS.
h Flor. lib. 4. de gest. Roman.
i Liui. Decad. 5. lib. 5.

XVIII.
CORINTHVS METROPOLIS ACHALÆ.